

ए कानुड़ा मारा,
कटोडे गमईयो हारी रेण ।

दोहा महिमा गावु श्याम री,
ओ धरू मन में ध्यान,
कृपा राखो नाथजी,
सब भगता रो साथ ।

ए कानुड़ा मारा,
कटोडे गमईयो हारी रेण,
ए सावरिया लाला,
कटोडे गमईयो हारी रेण,
ए थे मोडा किन विद,
आविया ओ जियो,
ए थे मोडा किन विद,
आविया ओ जियो ॥

ए हेलरीया बायो,
खोलो रे मजूरीया किवाड़,
ए हेलरीया बायो,
खोलो मजूरीया किवाड़,
ए कानुडो ऊबो बारने रे जियो,
ए कानुडो ऊबो बारने रे जियो ॥

ए हेलरीया बायो,
गोतो सोने रा वाले हाट,
ए हेलरीया बायो,
गोतो सोने रा वाले हाट,
ए राधा रे गेनो लावियो रे जियो,
अरे राधा रे गेना लाविया रे जियो,
अरे हेलरीया बायो,
खोलो मजूरीया किवाड़,
ए कानुडो ऊबो बारने रे जियो ॥

ए हेलरीया बायो,
गोतो पटवीरा वाले हाट,
ए हेलरीया बायो,
गोतो पटवीरा वाले हाट,
ए राधा रे पडला लाविया रे जियो,
अरे राधा रे पडला लाविया रे जियो,
अरे हेलरीया बायो,
खोलो मजूरीया किवाड़,
ए कानुडो ऊबो बारने रे जियो ॥

ए हेलरीया बायो,
गोतो सीरवीया वाले हाट,
ए हेलरीया बायो,
गोतो सीरवीया वाले हाट,
ए राधा रे चुडला लाविया रे जियो,
अरे राधा चुडला लाविया रे जियो,
ए हेलरीया बायो,
जल भर बरसे मेघ,

ए हेलरीया बायो,
जल भर बरसे मेघ,
ए कानुडो भीगे बारने रे जियो,
ए कानुडो भीगे बारने रे जियो ॥

ए हेलरीया बायो,
गावो रे मंगला चार,
ए हेलरीया बायो,
गावो मंगला चार,
ए कानुडा रो विवाह मांडचो रे जियो,
ए कानुडा रो विवाह मांडचो रे जियो,
ए हेलरीया बायो,
खोलो मजूरीया किवाड़,
ए कानुडो ऊबो बारने रे जियो ॥

ए कानुडा मारा,
कटोडे गमईयो हारी रेण,
ए सावरिया लाला,
कटोडे गमईयो हारी रेण,
ए थे मोडा किन विद,
आविया ओ जियो,
ए थे मोडा किन विद,
आविया ओ जियो ॥

गायक संत कन्हैयालाल जी ।
प्रेषक मनीष सीरवी
9640557818

Source:

<https://www.bharattemples.com/kanuda-mhara-kathode-gamaigyo-hari-ren/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>